

## معرفة الله "تفسير آية الكرسي" .. الحلقة ( 60 ) ..

### #الطريق\_للجنة .. د . حازم شومان

حازم شومان

بسم الله الرحمن الرحيم على بصيرة انا ومن اتبعني وسبحان الله وما انا من السلام عليكم ورحمة الله وبركاته. اللهم لك الحمد انت نور السماوات والارض ومن فيهن لك الحمد انت قيوم السماوات والارض ومن فيهن ولك الحمد. انت ملك السماوات والارض -

00:00:00

ارضي ومن فيهن. اللهم لك الحمد كله. واليک يرجع الامر كله. علانيته وسره. وصلوة وسلاما على سيد اجمعين. سيدنا محمد عليه افضل الصلوات من رب العالمين الى يوم الدين. ثم اما بعد. الهي كيف انساك -

00:00:46

وحبك في دمي يجري فانسى الكل الاك. وابقى مخلصا عمري. النهاردة يا جماعة هدفنا عالي جدا بازن الله. النهاردة هدفنا ان احنا نوصل وربنا سبحانه وتعالى هدفنا النهاردة ان احنا نشوف بقلوبنا جلال الله سبحانه وتعالى. هدفنا النهاردة ان احنا نتكلم عن عزمه ربنا لغاية ما قلوبنا تسجد -

00:01:06

تحت عرش الله سبحانه وتعالى. عايزيين النهاردة نتكلم عن ربنا عايزيين نعرف ربنا. لازم نعرف ربنا. عايزيين نعرف ربنا ليه؟ عايزيين نعرف ربنا شف الرسول عليه الصلاة والسلام بيقول لك ايه ذاق طعم الایماء ذاق طعم الایمان -

00:01:30

معرفة ربنا هي اللي بتدي للحياة طعم حياتك ما لهاش طعم من غير ربنا. معرفة ربنا هي اللي هتدى طعم لكل حاجة في حياتك. وهتدى لون لكل حاجة في حياتك. يعني انا حيaticي من غير ربنا تبقى ايض واسود لا والله -

00:01:45

من غير ربنا تبقى اسود يا جماعة احنا كل واحد مننا جواه عطش. عطش رهيب. العطش ده والله ما يرويه المركز ولا الفلوس. ولا ان كل الناس تتلم حواليك وتحبك. ولا -

00:01:58

اي شهوة ولا اي شيء. ما يروحوش غير انك انت تعرف ربنا سبحانه وتعالى. العطش ده ما لهوش غير انك انت تعرف مولاك اللي خلقك. اللي خلقك بايديه سبحانه وتعالى -

00:02:11

لو معك ربنا لو عرفته هيبيقي معك. انت عارف يعني ايه معك ربنا؟ انت عارفة يعني ايه معك ربنا؟ انت لو دخلت لجنة امتحان بالامتحانات الجاية دي لطلبة الجامعة انا وكل الطلبة لو دخلت لجنة الامتحان وحابوا اكابر موجه في المادة او اكبر دكتور في المادة قال لك انا هاقد جنبك. اي سؤال صعب عليك انا هاحله لك. تدخل -

00:02:21

مطمئنة ولا أ ؟ لأن معك دكتور المادة. طب لو معك الله سبحانه وتعالى. تخيل ان انت رئيس دولة ولا وزير قال لك انا النهاردة هابقى معك النهاردة همشي معك الاربعة وعشرين ساعة. هتركب العربية هركبها معك. هتروج مصلحة حكومية تخلص حاجة من شؤونك امشي معك. تخيل تبقى داخل مطمن قد ايه في اي مصلحة -

00:02:41

ولو انت عديت على يعني حملة مرور وبتبقي مطمن قد ايه ؟ طب تخيل لو الله هو اللي معك. يا جماعة معرفة الله بتجيب معية الله. اكتركن في حياتك -

00:03:01

كله معرفة الله هتخلي لما تيجي ترفع ايدك وتقول يا رب وهتبقى عارف بقلبك انت بتدعى مين. فهتخرج كلمة يا رب من قلبك تستنزل بها ملائكة السماوات. كلمة يا رب خارجة من قلبك عارف انت بتدعى مين. عشان كده يا جماعة لازم نعرف ربنا. عشان كده يا شباب ويا اباء ويا -

00:03:11

امهات ويا اطفال ويا كل مخلوق الله خلقه في هذه الدنيا عشان يعرفه. لازم نعرف ربنا سبحانه وتعالى. عارفين هنتكلم النهاردة ان شاء الله عن ايه هنتكلم النهاردة ان شاء الله عن اعظم اية في كتاب الله. اية الكرسي. ولما اقول لك اعظم اية في كتاب الله كتاب الله ده اعظم شيء في الوجود. يبقى اعظم اية في اعظم - 00:03:31

شيء في الوجود دي فيها ايه؟ طب ليه اية الكرسي اعظم اية في كتاب الله؟ ليه اعظم اية؟ لأنها بتتكلم عن اعظم ملك اعظم ملك العظيم سبحانه وتعالى اية الكرسي اعظم اية لأنها بتتكلم عن الله. ومعرفة الله هي اعظم شيء في الوجود كله. اول كلمة في اية الكرسي الله لا اله الا هو. اخر - 00:03:52

كلمة وهو العلي العظيم. وما بين الله والعظيم اسم الله الاعظم الحي القيوم. يعني اية الكرسي دي اعظم كلام هتسمعه عن ربنا في حياتك لو قلبك ما خشعش لمولاه وسجد قلبك تحت عرش مولاه لما تسمع اية الكرسي يبقى كل واحد يشوف قلبه ما له يا جماعة. هنتكلم الليلة عن - 00:04:12

فتح كنز. اية الكرسي دي ثروة. يعني الرسول عليه الصلاة والسلام قال لنا نقرأها بعد كل صلاة. مرة يعني خمس مرات بعد خمس صلوات. ومرة قبل ما تنام يعني سرت مرات - 00:04:32

مرة كنت بقرأها بعد صلاة وانا قاعد في المسجد فلقيتها متعلقة في لوحة قدامي. فعديت حروفها لقيتها متين حرف. قلت سبحانهك يا رب. يعني بالفین حسنة وفي سرت مرات في اليوم بانتشر الف حسنة. يعني اية الكرسي دي لوحدها ثروة من اعظم سروات حياتك. تأخذ منها في اليوم الواحد انتشار الف حسنة بازن الله - 00:04:42

اية الكرسي لو قريتها قبل ما تنام ربنا يحفزك من كل حاجة. لو قريتها بعد كل صلاة ليس بينك او بينك وبين دخول الجنة الا ان تموت عايزين نتكلم عن اية الكرسي. استعدوا كل واحد يجهز قلبه. ننطلق يا جماعة. ننطلق في الطريق الى الله سبحانه وتعالى. الله لا اله الا هو. اول كلمة - 00:05:02

كلمة لا اله الا هو لا يحب الا هو. لا يعظام الا هو. لا يرجى الا هو. انت عارف يعني ايه لا اله الا هو لغتك يعني ما فيش غيره - 00:05:22

ما لكش غيره. احفز الكلام ده عنی. احفز الكلام ده. بالله عليك. وبالله عليك. لا الله الا هو. ما لكش غيره. سيدنا يونس لا يمكن مهما كان في مشكلة او في حياتك مشكلة في مشكلة اكبر من المشكلة اللي قابلت سيدنا يونس عليه الصلاة والسلام. لما تلاقي مخلوق فتحة بوق اربعة متر فتح بوقه عايز يبلغك - 00:05:36

ده يا جماعة ابنه الصغير المولود بيرضع منه في الرضعة الواحدة تلتميit كيلو لبن. يعني طن لبن في اليوم بيرضعيه. الحوت ده يا جماعة وزن لسانه الحوت الازرق وزن لسانه تمانية طن شريانهبني ادم مني ومنك تقف جواه ويقعد جواه. تخيل مخلوق زي ده طلع لك فجأة وعايز يبلغك وبعله - 00:05:56

الليل وفي ظلمة البحر. ما فيش جوة لا سلكي. ما فيش جوة فاكس. ما فيش جوة محمول. الاتصال بالبشر انقطع ولكن الاتصال بالله ما يتقطعش ابدا انا عايز اقول لك ما لكش غيره. لو تهت في صحراء ما لكش غيره. لو لو اتبليت في حوض زي سيدنا يونس ما لكش غيره. لو دخلت سجن زي سيدنا يوسف ما لكش غيره. لو - 00:06:16

دخلت غار زي سيدنا محمد والمشركين قدامه ما لكش غيره. لو دخلت كفه واتقلل عليك بصخرة زي التلاتة والصخرة ما لكش غيره. لو اترميit في نار زي سيدنا ابراهيم ما لكش غيره. لو اترميit في جوب زي سيدنا يوسف ما لكش غيره. ما لكش غيره في الدنيا وفي الآخرة. في الآخرة والله ما هيفضل لك غيره. كله هيتخلى عنك. انا مش - 00:06:36

يقول لك ابوك وامك انا هقول لك اعظم البشر هيتخلوا الانبياء والملائكة سيدنا جبريل وميكائيل واسرافيل تلاقاهم راكعين على رجلיהם بيقولوا يا رب سلم نسلم. سيدنا ادم بيجري من البشر بيقول يا رب نفسي نفسي لا اسألك اليوم الا نفسي. سيدنا موسى اخذ بقائمة من قوائم العرش من كتر رهبة الموقف - 00:06:56

سيدنا محمد ساجد تحت العرش بيتركب بيقول يا رب يا رب خفف عن عبادك المسلمين يا رب. تخيل في الموقف ده لك غيره! ما

لكش غيره. تاني حاجة مش هينجيك غير - 00:07:16

والله ما هينجيك غيره. انتم عارفين يا جماعة احنا لما عرفنا قيمة الفلوس وقد ايه ممكن تحل لنا مشاكلنا؟ بقى هدف حياتنا ان احنا نجيب فلوس. لما عرفنا قيمة المشاكل - 00:07:26

وقد ايه ممكن قد المراكز وقد ايه ممكن تحل لنا مشاكلنا؟ بقى هدف حياتنا نحصل مراكز. لو عرفت الله ممكن يحل لك مشاكلك قد ايه؟ هيبيقى هدف حياتك انك انت تقرب من ربنا سبحانه وتعالى. سيدنا موسى وقومه قدام البحر وفرعون ورائهم. فلما تراعى الجمuan قال اصحاب موسى انا لمدركون. قال - 00:07:36

ما تخافوش ما تخافش ازاي؟ انت مش شايف باروك سيفهم يا موسى! باروك سيفهم المرعبة. ما تخافش ازاي! انت مش شايف فرعون وهامان! ما تخافش ازاي! انت مش سامع صوت الخيول - 00:07:56

اسلحة الحرب بتاعتهم ما تخافش ازاي! انت مش شايف قدامنا حرب بحر! لو الجبال وقعت فيه بتغرق! كلا ما تخافوش! ما تخافش ليه! هو انت معك مدفع رشاشة توزعها علينا. هنحدد بها جيش فرعون! هو انت معك قنبلة نووية هنرميها على جيش فرعون نهلكه! هو انت معك سفن هنركبها ونهرب بها في البحر! كلا - 00:08:08

تعالي ربنا سبحانه وتعالى ان معي ربى معي ان البحر ده بامواجه وبحيتان وعيده له. معي جنود السماءات والارض عيده ليه من كون كل حد له. معي ان ايد فرعون اللي ماسك بها السيف طوع امره. مش بتوع امر فرعون. ان معي ربى. خدوا بالكم يا جماعة. معية الله ده - 00:08:28

كنز في حياتك. عايزه بيقى معك خليك معه وانت بتعصي ربنا ما انتاش معه. وانت مع بنت ما انتش معه. وانت بتتكلمي فلان وفلان ما انتيش معه. وانت بتتنام عن صلاة الفجر وانت بتعصي ربنا بودنك او - 00:08:48

اتقوا ربنا بنظرات العين او بتعصي ربنا بلسانك. ما انتوش معه يا جماعة. بيقى اذا مش هينجيك غيره. خدوا بالكم والله العظيم. ما هينجيكم غيره مش هيقدر يحفزك ويعرفك وينصرك غيره. انتم عارفين قدرة الله قد ايه؟ انت عارفين قدرة الله لو دخلنا في ولایته قد ايه؟ يا جماعة ده ربنا بيقول للشبيه - 00:09:01

سيكون ربنا ما قالش الحاجة في الكون كله كن مرتين ابدا. مرة واحدة. عشان كده يوم القيمة فانما هو زمرة ايه؟ واحدة. الكون كله بامر واحد يتقلب باامر الله سبحانه وتعالى. يا جماعة ربنا ما خلقش الزرة بكن والفييل بعشرة كن والمجرة بالف كن. الزرة والمجرة اتخلقو بكن - 00:09:22

والفييل وكل الكائنات والنملة اتلخلقو الكن ونقطة الماء والمحيطات كلها اتلخلقت بكون. قدرة الملك بكلمة كن المية هتبقى نار يوم بكلمة كون النار بقت درد وسلام على ابراهيم عليه الصلاة والسلام. بكلمة كن في لحظة ربنا قلب الانسان قرد. كانوا قردة لليهود - 00:09:42

عليهم لعنة الله كانوا قردة. بقى الانسان قرد. عينيه بقت عينيه قرد. دمه دم قرد. جلده جلد قرد. مخه مخ قرد. كبده كبد ارض في لحظة سبحان الملك. سبحان الله القدير. عشان كده - 00:10:02

انا عايز اسألكم مهول اصعب خلق عيسى ولا خلق مريم واحد هيقول خلق عيسى لانه من امي بس. يا حبيب قلبي وهو خلق واحد من امي بس معجزة. وخلق واحد من ام واب مش معجزة. يا جماعة دي معجزة ودي معجزة - 00:10:16

نقول اصعب خلق البحر ولا شق القمر؟ البحر اتلخلق بكون واتشق بكون. خلق القمر ولا شق القمر لسيدنا محمد؟ القمر اتلخلق بكون واتشق انا عايز انا عايزك تعرف وعايزك تعرفي ان عزك وزلك بكلمة واحدة منه. ان غناك وفقرك بكلمة واحدة منه. ان صحتك ومرضك - 00:10:31

بكلمة واحدة منه. ان سعادتك وشقاوتك بكلمة واحدة منه ان دخولك الفردوس الاعلى او دخولك جهنم بكلمة واحدة منه. كلمة واحدة كن بيقى مش هينجيك ولا هيحفزك ولا هينصرك ولا هيرفعك غيره. لست مش هيرزقك غيره - 00:10:51

تأملت واحد انواع الحيتان الوجبة الواحدة بتاعته اتنين طن سمك. بياكل ثلاث مرات في اليوم ستة طن سمك. قلت سبحانه يا رب

انت بتبعثت له ستة طن كل يوم. لو حوت واحد من الحيطان دي بس ادناه لدولة وشف بقى المحيطات مليانة حيطان قد ايه من دي.  
حوت واحد ادناه لدولة وقلنا لها اكلية - 00:11:09

بس اكلوه كل يوم ستة طن سمك. والله العزيم الدول ما تقدر. انها بس ترزق حوت واحد من الحيطان اللي ربنا خلقها في المحيطات.  
طب انت مش ما يقدرش يوصل لك غيره. والله ما يقدر يرزقك غيره. مش هيقدر قيمتك. انت البشر لو واحد  
مننا اتباع كده وقف ونادوا عليه والله ما حد يرضي يشتريه - 00:11:29

انما انت ربنا اشتري دموعة عينك. دمعة واحدة من عينك ينجيك بها من النار. اشتري ريحه بوقك ريحه بوقك وانت صايم. يبقى اطيب  
عند الله من ريحه المسك اشتري منك اسر رجليك لو خرجمت في مشوار في سبيل الله. ربنا اللي بيقدرك. خد بالك حياتك وحياتك  
كلها من غيره - 00:11:50

حسن. يا جماعة اللي ما يعرفش ربنا ده خايف من كل حاجة. وخايف على كل حاجة. خايف سقب الاوزون. لو اتفتح اكتر من كده  
هبيجي سبعين في المية من الناس سلطان جلد خايف من سلطان - 00:12:11

وحايف احسن يجي له قلب وسكر وضغط زي صاحبه. وحايف احسن التلوس يجيب له سلطان في الكبد. وحايف احسن المایة  
تجيب له فشل كلوي. وحايف احسن يجي له سلطان وحايف من كزا ومن كزا. خايف ومرعوب من كل حاجة ودي حياة! هي  
دي عيشة! الانسان اللي خايف من كل حاجة لانه ما هوش عارف مولاه مين! مش عارف - 00:12:21

مین ؟ الله لا الله لا هو ما لكش غيره. انسوا يا جماعة والله ما لكم غيره. اقعدوا ساجدين ليل نهار. اعبدوه اوعوا اعصروه اوعوا  
تضعبوه اوعوا تسيبوا احسن يسيبكم. اوعوا تخسروا علاقتكم به. ده انت لو علاقتك بابوك اتقطعت تبقي مصيبة. مين اللي هيديك  
فلوس؟ لو علاقتك بزوجك اتقطعت - 00:12:41

ايه ده! طب ومين اللي هيصرف عليك ومين اللي ولو علاقتك بصحابك اتقطعت مش ولو علاقتك برئيس الدولة اتقطعت! طب لو  
علاقتك بالملك اتقطعت! اوعوا تقطعوا علاقتكم بالله سبحانه وتعالى - 00:13:01

بمين؟ بالله اول كلمة في الاية. طب يعني ايه الله شف ربنا سبحانه وتعالى بيقول ايه انما المؤمنون الذين اذا ذكر الله وجلت قلوبهم.  
قلبه يتاخذ قلبه يتختطف. كل واحد مننا فيه حاجة في حياته لو - 00:13:11

قلبه يتختطف. اكتر حاجة بيعظمها. الاوائل على الكليات لو ذكر التعين في الجامعة قلبه يتختطف المليونيرات لو زكرت الصفقات قلبه  
يتختطف. المؤمن المؤمن لو ذكر الله قلبه يتختطف ما يقدرها. انت قلبك بيختطف لما يسمع اسم الله - 00:13:28

انت عارفين يعني ايه الله؟ الله جاية من ولها الفضيل الى اهلها. يعني الفضيل لما يحب. الحسان الصغير لما يحن لامه ويستاق فيها  
وجاية برضو من الذي تحار فيه العقول. العقل يحار في عظمته وفي اياته وفي جلاله - 00:13:44

انت قلبك مشتاق ليه قلبك هايم في حبه. قلبك مستني اللحظة اللي انت هتملي عينك وتتص عينيك لجلال وسبحات وجه يوم  
القيامة. انت عقلك حاير من عظمة الله انت يا جماعة جوارحكم بتبعد ربنا - 00:14:02

جمهوركم تعبدوا عبدت ربنا بایديك قد ايه النهاردة؟ عبدت ربنا بعينيك قد ايه النهاردة؟ بكت من خشيته النهاردة؟ عبدت ربنا  
بلسانك قد ايه النهاردة؟ ذكرته قد ايه وقررت في القرآن قد ايه - 00:14:18

عبدت ربنا بقلبك قد ايه النهاردة؟ حدتيه قد ايه؟ وقلبك زكره قد ايه؟ يا جماعة اي اسم من اسماء الله ممكن يغير حاجة في  
حياتك الا كلمة الله - 00:14:28

اسم الله يغير حياتك كلها. لانه بيطلب منك ان كل زرة في جسمك تعبده. ان كل عضو في جسمك يعبده ان مخك ان قلبك يعبده. ان  
جوارحك تعبد. الله على اسم الله. اي والله العزيم. الله يا رب على كلمة الله. عشان كده - 00:14:38

الله دي كلمة السر عارفين كلمة السر في اي معسکر؟ لما عربية تيجي تعدي قولي كلمة السر عشان تعدي تقولي تعدي الله كلمة الكون  
كله يعرفها. كله. انت ممكن تلاقي سمكة في البحر على ضهرها مكتوب الله. فراشة على جناحها مكتوب الله. ما شفتوش الصور دي  
قبل كده؟ شعب مرجانية في قاع - 00:14:58

البحر الاحمر مكتوب عليها الله. الكون كله عارفه. لو انت عارف الله الكون كله يفتح لك ابوابه. شف بقى اسمع بقى الكلمة الخطيرة دي من كلمات حبيبك رسول الله صلى الله عليه وسلم. بسم الله الذي اسمع لا يضر مع اسمه شيء - 00:15:15

حد منكم فكر في الكلمة دي قبل كده ؟ لا يضر مع اسمه شيء. انت عارفين لما يكون مسلا واحد في المحافظة في مبني المحافظة مع المحافظ يعني. فهو قريب المحافظ فيجي واحد - 00:15:34

عليه مسلا يقول يقوم واحد يقول له حاسب انت مش عارف ده طلع مين! ده تبع المحافظ. عشان كده اول ما انت بتقول كلمة الله الكون كله يخضع وينكسر ويذل - 00:15:44

ادعك كلمة الله بتفتح لك ابواب الكون كله والله العزيم. الكون كله عارفها ونيجي احنا البشر في ورق الجرائد وورق الوفيات اللي فيه اسم الله نلف فيه طعمية ونأكل عليه وتلاقي واحد عامل في افتتاح محله تم بحمد الله افتتاح محل مش عارف بيع ايه - 00:15:54 الله وربنا سبحانه وتعالى ما له انك انت فتحت محلك. تكتب كلمة الله وانت عارف ان الناس هترمي. الورق على الارض واسم الجلاله يدايس بالاقدام ومستني ان ربنا يبارك لك في حياتك. وناس تانية تجيب اسم الله تلحنه على الرق والصاجات. وتبدأ به الحفلات والا فراح دي كلمة الله. اسم - 00:16:12

الكون كله بيترجف لما يسمعه احنا نجيب عليه يا جماعة ما لكم لا ترجون لله وقرأ اتقوا الله. والله العزيم اللي بياكل على ورق فيه اسم الله ايها الجرائد فيها اسم الله. اووعي تاكل اللي يكتب في اعلاناته ولا في الاكياس بتاعة المحل بتاعته اسم الله. اوعوا يا جماعة اوعوا اتقوا الله - 00:16:31

الله لا الله الا هو الحي. الله! يعني ايه الحي كلمة الحي دي تعمل في قلبك ايه الحي الحي دي انا مش عايزة تحزنني بعد ما تعرفي معنى اسم الله الحي. انا مش عايزة تحزن من اي حاجة بعد ما تعرف اسم الله الحي. انا عايزةكم يا جماعة تفرحوا تفرحوا ان - 00:16:50

ربنا بيقول على نفسه الحي. لما يكون ابن قاعد مع امه يقول لها هناكل منين؟ وهنشرب منين؟ وهندفع ايجار الشقة اول الشهر منين؟ ابوه يقوم طالع من الاوپة يقول له انت - 00:17:09

بتقول ايه عيب عيب تقول الكلام ده وانا حي طول ما انا لسة حي اووعي تشيلهم حاجة. الله الحي عيب عيب احزني وهو مولاك. عيب تحزنوا عيب يا جماعة. انت خايف من ايه وهو معك! خايف تفتقر! تلاتين اربعين سنة بيرزقك كل يوم! ولسه خايف ما يرزقكش - 00:17:19

خايف من السرطان ده ربك قدرته بيستوي فيها شفاء البرد وشفاء السرطان. خايف ان حد يزلمك او يفترى عليك او يستضعفك. ده كان ده نساء السلف كانت فقيرة ولها كوخ صغير كده حقير. فجه امير من الامراء ده انا قصر عظيم جنب الكوخ بتاعها. فرایح بقى يتفقد القصر بتاعه فلقى جنب كوكه - 00:17:39

قال ايه ده؟ ما هذا؟ قال ايه البكوه امرأة غلبانة فقيرة؟ قال شلوه. اهدموه من هنا. ظالم متجر متكبر ما هوش عارف. ما هوش عارف الفقيرة الغلبانة دي علاقتها بالله شكلها ايه؟ ممكن حالها مع الله في التلت الاخير شكله ايه؟ فلما رجعت لقت بيتها اتهم. قال ما هذا؟ ما حدث؟ قالوا لها ان الامير امر ان يهدم من - 00:17:59

ما اتكلمتش ما نطقتش. رفعت بصرها الى السماء. وقالت يا رب قد كنت في السوق اسعى على رزقي فاين كنت انت يا رب؟ فما انتصف النهار حتى خسف الله بقصر هذا الامير. الله ينصرك وينصرك - 00:18:19

ما تخافوش ابدا والحي هو مولاكم. عيب. خايف من ايه يا جماعة؟ خايفين من ايه؟ خايف من آآ ان لقمة نزلت من الخزاين من فوق سبع سماءات مكتوب عليها اسمك. تدخل في بق غيرك! لا والله! عيب! عيب! انت تفتقرك انه ممکن يسيبك. المولود اللي امه بتموت وهي بتولده. وابوه بيموت - 00:18:39

وهي حامل بيسبيه. التلاتة لما دخلوا غار واتفقلت عليهم صخرة. سابهم مش هيسيبك والله. والله ما هيسيبك. عيب يا جماعة. انت مش عارفين مين انت مش عارف مين ربك ده ربك بصيحة واحدة من جندي واحد من جنوده الكون كله يتقلب يوم القيمة. ربك

من ستميت جناح من اجنحة ملك واحد من ملائكته. قرى قوم لوط اترفعت للسماء واتخسف بها الارض. ما فيش ورقة شجر في غابة استوائية دخلها بشر او ما دخلهاش بشر الا وهو يعلمها. ما فيش حبة مطر نازلة في اللحظة اللي احنا فيها دي في اي مكان على وجه الكرة الارضية. او على جزيرة في اعماق - 00:19:19

ما فيش بشر عليها الا وهو يعلمها. ما فيش حد فالاح دفتها في الارض نبتت او ما نبتتش الا وهو يعلمها. ما فيش نملة دخلت جحرها اللحظة اللي احنا فيها دهيت - 00:19:39

في الاوضة اللي انا فيها او في الاوضة اللي انتم فيها او في اي مكان الا وهو يعلمها. انت مش عارف مين ربك ولا ايه؟ انت مش عارفين الحبي طب ليه الحبي جت قبل القيوم - 00:19:49

لان اكبر مصيبة في حياة اي عيلة ان اللي قائم على شؤونها ورزقها يموت. فربنا بيقول لك انا حي لا اموت اية الكرسي عايزين احيب لكم من نقطة من اكتر النقاط فيه. اية الكرسي بتقول لك ان ما فيش مشكلة في حياتك الا والحي سبحانه وتعالى يقدر - 00:20:01

وعنه حلها. ازاي؟ رب حبي. حبي يعني طب ما ممكن رب اسرة حي بس يعني ما يقدرش يحل المشكلة. لأن الكلمة اللي بعدها تروح القيوم. انت عارف ربك قادر قد ايه. قادر قادر او اي اه. طب ما يمكن يعني مرة يغفل عنك كده لا تأخذه - 00:20:18

سنة ولا نوم. انت عارف ربك معك قد ايه. ياه! طب بس ممكن اللي انا عايزه غالى او اي. يعني صعب ان هو ييجي. له ما في السماوات وما في الارض. انت عارف ربك غني قد ايه. ياه! طب بس ممكن برضه يعني واحد غني بس ما يعرفش حل مشكلتي. يعلم ما بين - 00:20:38

فيهم وما خلفهم. انت عارف ربك عليم قد ايه. يا الله! طب ما ممكن يعني يعلم مشكلته ويجيبها لي. بس الحل لما يجي لي يروح مني تاني اتحفظت ولا يؤوده حفظهما. الله اكبر! انت بقى قلبك ساعتها هيافت وهو العلي العظيم - 00:20:58

الله لا الله الا هو. الحبي القيوم. الكلمة القيوم بقى الكلمة دي عايزه وقفه بقى شوية. الكلمة القيوم ده عايزه وقفه مني ومنك. يعني ايه قيوم. القيوم اسمع بقلبك بقى الكلام الخطير ده. القيوم هو الذي يحتاج اليه كل شيء. في كل شيء ولا - 00:21:17

نحتاج الى شيء في اي شيء. السماوات لا تقوم الا بالله. الافلاك لا تقوم الا بالله. الملائكة لا تقوم الا بالله. انت لا تقوم الا بالله. ايه يوم سيدنا موسى سأله بني اسرائيل يا موسى هل ينام ربك - 00:21:37

يعني سؤال وحش جدا يعني يعني ما ردش. فربنا اوحى اليه. يا موسى سأله هل انام؟ يا موسى خذ وافضل ماسكهم طول الليل كده وانت واقف فسيدنا موسى مسك القارورتين ومن اول الليل فضل ماسكهم كده الا زازتين دول. فشوية بدأ سيدنا موسى هنتفغل. فتقع يقوم واقف تاني. شوية بدأت تغفل - 00:21:52

شوية ما قدرش يمسك نفسه قام واقعين منه متذشدين. فاوحى الله اليه يا موسى سأله هل انام لو كنت انام يا موسى لهلكت السماوات والارض كما هلكت هاتان القارورتان. الله! الله! انت عارف ده معناه ايه؟ مش معناه ان ربنا قائم على امر - 00:22:17

والارض بس ، ده معناه ان السماوات والارض ما تقدرش تعيش لحظة من غيره. السماوات ما تقدرش تعيش لحظة من غيره. الشمس ما تقدرش تعيش لحظة من غيره. الجبال والبحار - 00:22:37

ما تقدرش تعيش لحظة من غيره ابدا. وانت اوعى تفتكر انك تحتاج له. لا لا. ده انت ما تقدرش تعيش لحظة من غيره. عشان كده ربنا لما قال على الطير - 00:22:47

لا يمسكهن الا الرحمن. ها لو ربنا ساب الطير يحصل ايه؟ انا متهيأ لي ان فيه واحد بيقول تقع. لا يا حبيب قلبي مش تقع. لا يا لا يا اخي مش تقع. تدفني. تهون. تنتهي. زرات جسمها تنفتت من بعض. وتتنفني تماما. لو ربنا سا بها - 00:22:57

اوئي تخسروا اوعوا تخسروا احسن تخسر كل شيء في حياتك. ده انا كنت بقرأ قول الله فلما اضاءت ما حوله ذهب الله بنورهم وتركهم في ظلمات. ياه! كلمة تشق القلب الحبي والله العظيم. تركه - 00:23:17

لو ربنا سا باك هتعمل ايه؟ يا رب ده انت لو سببتم في انوار كانوا ضاعوا. سببتم كمان في ظلمات. لما تقرأ قول الله ومن يشرك بالله

فكأنما مر من السماء خر انهيار. معرفة لو ربنا سابك انهيار في كل حاجة في حياتك. كل حاجة في حياتك تنهار. عشان كده لما ربنا -

00:23:34

بصوا في المترز على الصراط قال ثم ننجي الذين اتقوا من على الصراط. ونلقي الكافرين فيها؟ لأن ونذر الظالمين فيها. نظر مش هرميه انا هسيبه بس. مجرد ان انا لو سبته هيقدر يعدي. وانا لو سبته فيه حاجة رجلية هتشيله. لو سبته هيقع هيقع. لو سابك هتقع -

00:23:54

لو سابك هتقع. اوعوا تخسروا ربنا سبحانه وتعالى. اوعوا تخسروا القيوم يا جماعة. القيوم الله. الله قيوم على الكون كله تخيل لو انا جبت واحد منكم قلت لك تعال يا عم تعال. انا عايز الشارع بتاعكم الشارع بتاعكم بس. تبقى انت قيوم عليه النهاردة. يعني ايه قيوم عليه؟ النهاردة يوم واحد بس. طب يعني ايه قيوم -

00:24:14

القيوم عليه يعني هترتب رزق كل واحد فيه. وهتحل مشاكل كل واحد فيه. واي واحد النهاردة هيحصل له مشكلة في الشارع مش هيقول يا رب. هيجي لك انت. يقول لك الحقني -

00:24:35

الحاملي عنده مشكلة اللي عنده مغص هييجي يقول لك الحقني. اللي متشاكل مع مراته هييجي يقول لك الحقني. اللي افتقر ومحتج فلوس هييجي يقول لك الحقني. اللي عنده امتحان بكرة ومش لاحق -

00:24:45

تزاكري هييجي يقول لك الحقني. اللي عنده ازمة او حد بيهدده هييجي يقول لك الحقني. اللي عنده مرض او قلق او اكتئاب او اي مشكلة هييجي يقول لك الحقني النهاردة -

00:24:55

يا كل ده استنى يا حبيبي وزبط لهم كل حاجة تانية بقى. زبط لهم نسب الهرمونات في دمهم. ونسب الاكسجين في الغلاف الجوي. ونسب الغلاف الجوي من فوق عشان الاشعة الكونية ما تحرقهمش -

00:25:05

وكل قطة وكل عصفورة في شجرة من شجر الشارع وكل نملة او حشرة في الشارع عامل لها كل ده كمان. استنى وكل واحدة حامل كل واحدة حامل تابع لها اللي في بطنهها. وكل واحدة ولدت زبط لها نسب الغذا في لبن الرضاعة بتاعها. ده كل ده يا جماعة. جزء من القيام على شارع واحد -

00:25:18

الله قيوم على الكون كله سبحانه وتعالى. الله يا جماعة قائم على كل نفس نفس تخيل ان احنا رحنا لحاكم قلنا له يا سيادة الحاكم قال ايه؟ قلنا له محمد احمد ابراهيم. واحد من الشعب بتاعك مراته بتولد والولادة متعرجة واهتمام وبيستنجد -

00:25:38

محمد احمد ده مين يا ابني؟ ومراته مين يا ابني وبتولد انا فاضي! انا فاضي بالمشاغل اللي انا فيها. وانا ما لي بتولد ولا ما بتولدش الله يعلم اسمك. يعلم اسم بشر في الكون. من اللي عايش. اللي ماتوا واللي لسه هييجوا. ويعلم نملة نملة ونحلة نحلة -

00:25:57

فراشة الله يعلمك ويعلم اسمك ويعلم قصة حياتك ويعلم همومك ومشاكلك وحلها كلها اه والله اه والله بس انت قل يا رب يا رب من قلبك وانت ربنا يشق لك السماء وينزل لك ملائكة السماء. قل يا رب من قلبك وانت ربنا يحرك لك الجبال من مكانها. قل يا رب ده -

00:26:16

ربنا ما خلقوش غير عشان تقول يا رب. قل يا رب لما يقابلك اي مشكلة. القيوم ربك هو القيوم. انت عارفين يعني ايه القيوم يا جماعة القيوم ربنا بيقيم الكون كله. كل الكون بيقيمه سبحانه وتعالى في وقت واحد. ودي حاجة مزهلة العقل يتوب فيها -

00:26:36

في نفس اللحظة ربنا بيقوم على امر مليارات الملائكة. في نفس اللحظة اللي بيقوم فيها على امر مليارات الافلاك اللي متعلقة في الفضاء. في نفس اللحظة اللي بيقوم فيها على امر -

00:26:56

البشر والحيوانات والاحشرات والاسماك في نفس اللحظة اللي بيجب فيها دعاء الكون كله كفاية يوم عرفة الاربعه مليون اللي بيقفوا على جبل عرفة. كل واحد بيدعوي بلغة غير تاني ودعاء غير الثاني يسمعهم كلهم. ويجب لهم كلهم. في نفس اللحظة اللي بيراقب الكون كله. احنا ستة مليار بشر على وجه الارض -

00:27:06

عينين الستة مليار في رقابة الله. في نفس اللحظة اللي ربنا سبحانه وتعالى بترفع اليه اعمال البشر كلها ويفصل فيها ويبت فيها. في

نفس اللحزة اللي يرتب رزق المليارات دي كلها من المخلوقات دي كلها. بيرتب بيرتب رزق ورزقك رزق الستة مليار لا ورزق الاجنة في بطون امهاتها. ورزق - 00:27:26

في الاوکار في اعلى الاشجار ورزق الحيطان في اعماق البحار. الله قيوم. انما البشر. البشر والله البشر غالبة يا جماعة. البشر دول لو جم يصلاحوا حاجة بييظوا حاجة. يحصل ازمة في الخشب يقطعوا خشب من الغابات عشان يصلحوا ازمة الخشب. يقوموا يعملوا ازمة بيئية خطيرة. كان مرة احد - 00:27:46

الدكاترة الجراحين بيودنا محاضرة وهو بيشرح العملية فيبيقول في الاخر يا جماعة العملية دي لها مضاعفات وما فييش عملية في الدنيا ما لهاش مضاعفات. الوحيد اللي ممكن يعمل الحاجة مية في المية هو الله سبحانه وتعالى. الكلام ده حقيقي والله يا جماعة. عشان كده اي جراح - 00:28:06

ممكن بيجي يصلح حاجة في المرارة بلغة الجراحين يقول لك يهبس. شريان من الشرايين يعمل نزيف للعيان. ممكن العيان يروح فيه؟ ربنا يشفى كل مريض مسلم يا رب كل مريض مسلم. فتخيلوا يا جماعة تخيلوا الانسان ما يعرفش يصلح حاجة الا لو بايظ حاجة قصادها. الله يصلح لك كل حاجة في حياتك مرة واحدة. عشان كده رسول الله صلى الله عليه وسلم قال له ايه - 00:28:23  
قال له يا حي يا قيوم برحمتك استغفث اصلاح لي شأني كله. ولا تكلني الى نفسي طرفة عين. عارفين بيقول له ايه؟ بيقول يا حي يا قيوم يا من انت قائم على كل شيء - 00:28:43

ارحمني برحمتك التي وسعت كل شيء اصلاح لي كل شيء ولا تكلني الى نفسي التي افسدت علي كل شيء. اللي يقدر يصلح لك كل حاجة في حياتك هو الله سبحانه وتعالى. فقل له يا حي يا قيوم - 00:29:02

برحمتك استغفث اصلاح لي شأني كله. كله يا رب. صلح لي كل حاجة يا رب. صلح لي قيامي. صلح لي عبادي. صلح لي قلبي سكتني نفسي صلح لي دعوتي صلح لي فهمي للدين وبصيرتي صلح لي اخلاقي ومعاملاتي صلح لي صحتي ورزقي ودنيتي وقرائيبي - 00:29:19

لآخرتي وقبري والصراط والميزان صلح لي كل شيء في حياتي يا رب. استغفيسوا به يا جماعة. استغفيسوا به انتم لكم غيره. القيوم كفاية قيامه على رزقنا. والله كفاية بس قيامه على رزقنا. تخيلوا كل يوم ستة مليار بق مفتوحين بيقولوا له رزقنا يا رب - 00:29:39  
ستة ملياربني ادم. كل واحد مننا بيأكلكم وجبة في اليوم؟ عشر وجبات مسلا ولا بلاش فضائح خلיהם خمسة. يعني ثلاثة مiliار وجبة يوميا. انتم عارفين احنا بنستهلك يوميا - 00:29:59

كم مليون طن فواكه؟ وكم مليون طن لحم؟ وكم مليون طن خضروات؟ وكم مليار متر مكعب هوا وكم من متر مكعب ميه. اللي بيحدد الكلام ده كل يوم مين؟ ما حدش فكر؟ ما حدش فكر الكميات دي بتتجدد كل يوم ازاي؟ شف ربنا بيقول ايه. فلينزر - 00:30:09

الي طعامه. بصوا انتم بتاكلوا ايه! اما صدتنا الماء صبا. ربنا بيصب علينا من الخزائن والله انا بحس في الاية دي. ان ربنا بيقول لنا انتم مش عارفين انتم بتاكلوا قد ايه. انتم مش عارفين انتم بتتصب لكم القزائن قد ايه. يعني كان آآلو واحد - 00:30:29  
طفل مسلا فالطفل قال له جعان يا والدي مسلا خد يا حبيبي سندوتش. الطفل كله فيقول انا جعان لسة يا والدي خد يا حبيبي سندوتش تاني. انما واحد عنده عشر عيال وحوش - 00:30:49

يصب لهم بالحلل على طول. دول ما فييش معهم تفاهم. ستة مليار واحد قاعدين يأكلوا يا جماعة ليل نهار. تخيلوا يا جماعة احنا انا وانت بس اللي بيتفرجوا علي دلوتنى. كلنا - 00:30:59

قد ايه النهاردة؟ وشرينا قد ايه النهاردة؟ وخدنا هواء قد ايه النهاردة؟ يا جماعة يا جماعة اللي صب الخير ده كله من الخزائن علينا ما يرزقكش؟ ما يجلبكيش عربس؟ ما يجيبلكش شقة - 00:31:09

ان الحوت عايز ستة طن سمك بعنهem له. ما يبعتكلش انت رزقك. ويضمن لك رزقك. يا جماعة عايزين نسق به بقى. عايزين نعرفه بقى. كفاية قوامه على رزقنا والله. ياه! سبحانك يا رب! سبحان الله العلي العظيم! عشان كده القيوم يعني من معانيه المسيطر على الكون -

المهيمن على الكون. ان الكون كله في ايديه. عشان كده واحنا بنتكلم عن القيوم لازم نفتكر اسم الله المهيمن. يعني ايه المهيمن؟ لا لا لا  
ده موضوع تاني بقى. ده - 00:31:39

تاني بقى ده سما تانية روحك هتحلق فيها بقى. المهيمن لما يقول لك البلد دي تحت السيطرة الكاملة في الحروب مسلا الكون كله  
تحت السيطرة يا جماعة. الكون كله تحت سيطرة الله زرة فيه. ممكن يقول لك المجال الجوي مسلا الطائرات مسلا الفلانية  
مسسيطرة على المجال - 00:31:49

الجو مهيمن عليه ولكن لا يمكن دولة تهيمن على دولة طول العمر لابد نتهيمن شوية وبعد كده تتسبب منها الايام شوية. ولا يمكن  
يوصف بلفظ الهيمنة واحد ابدا يقول لك الدولة الفلانية هيمنت على الدولة الفلانية بعد ما احتلتها. انما الله احد فرض صمد وهيمن  
على الكون كله سبحانه وتعالى. المهيمن - 00:32:08

المهيمن ده له انواره. المهيء كلمة المهيمن دي اول حاجة عيش معي بقلبك فيها المهيمن تعرفك ان كل حاجة بتترتب من فوق اول  
نور من انوار اسم الله المهيمن. اللي كل حاجة بتترتب من فوق. الرزق بيترتب من فوق. ده انت ممكن تبقى داخل اوپتك. معك شوية  
فول سوداني في ايدك. يقوم - 00:32:30

ربنا يحسسك ان الدنيا حر شوية. عشان تتك على كبس المروحة تشغله. عشان المروحة تدور عشان حته قشرة فول في ايديك ضمن  
تطير تروح بقدر الله لطرف الاوضة رزق عشر نملات في طرف الاوضة. بيرتب الرزق للنمل. مش هيرتبه لك - 00:32:50

الهدایة. ترتيب الالتزام. ترتيب التوبة. كل واحد منا قصة التزامه والله العزيز ترتيب من الله. كان احد الشباب وكان فقير جدا. دخل  
الجامعة فلما دخل الجامعة لقى الاغنيا وعيشة الاغنيا وعربات الاغنيا والاغنيا مصاحبين بعض بس. نفسه يتتصاحب عليهم. جه  
يصاحب عليهم لفظوه. يتتصاحب عليهم لفظوه. قال ما لهاش حل غير ان انا اشتغل واجيب فلوس. خرج - 00:33:10

يجيب فلوس عشان يصاحب الاغنياء بقى معه فلوس بقى ما لقاش غير ابواب الرزق الحرام. بدأ يجري في الرزق الحرام  
برضه اتسدد في وشه من رحمة ربنا انه يسد باب الحرام - 00:33:32

حرام في وجه العبد. والا لو اتفتح الوقت دي هيتفتح معه ابواب جهنم في الآخرة والعياز بالله في وشه. وفي مرة من المرات محبط  
ومكتئب وتأيه وقاعد في اوپته حاطط حاطط ايده على راسه. وقاعد بيقول يا رب انت خلقتني - 00:33:42

اله يا رب انت خلقتني ليه يا رب؟ بيقول وهو بيقولها سمع صوت الراديو جاي من برة صوت المقرئ بيقول وما اخلفت الجن والانسان  
الا ليعبدون. المرتجف من الاية وهي جاية بترد على السؤال بتاعه. تاب والتزم الى الله - 00:33:57

مين اللي رتب له انه يسمع الاية دي في اللحظة دي؟ ترتيب الله ترتيب الجواز. ممكن واحد طالع يدور على شقة في عمارة يشوف  
واحدة نازلة تعجبه ده طلع البنت صاحبه - 00:34:17

البيت بقت شقة وعروسة. ترتيب من الله سبحانه وتعالى. ترتيب الموت يا جماعة. ترتيب الموت. كان احد يعني احد الناس كان  
مسافر مع مراته يعتمره فلبسو لبس الاحرام وطلعوا من المدينة على مكة. اول ما وصلوا مكة وهو بلبس الاحرام قال لها استني  
الشنط جنبك اهي. هاروح ادور على بس فندق بس نحجز فيه. نحط الشنط وبعد كده نروح - 00:34:27

العمره. مراته استنته راح حجز رجع من الحجز قال لها لقيت فندق خلاص الحمد لله. استبني اشيل الشنط. نزل يشيل الشنط ما  
طلعش. وقع مات ياه! صعبان عليكم! يا بخته! يا بخته والله العزيز! مات وهو لابس لبس الاحرام هيحضر مليي لله سبحانه وتعالى -  
00:34:47

ومات صلوا عليه الفجر في الحرم. حد مننا طايل يصلوا عليه الفجر في الحرم؟ يبقى صلاة الجنائز بتاعة الحرم وعلماء الحرم  
وال المسلمين اللي جايين من كل فج عميق لله يصلوا عليه صلاة الجنائز بتاعتته. ده ده موتة مترتبة دي. دي موتة مترتبة. ربنا يرتب لنا  
في حياتنا وموتنا يا رب. سبحان الله العلي العظيم - 00:35:08

يا جماعة كل حاجة مترتبة من عند الله. والله كل حاجة بتترتيب الله. عشان كده لو انت عرفت ان كل حاجة بتترتيب الله خلاص بقى.

يعني دكتور اتعين في مستشفى - 00:35:28

كان نفسه انه يوصل بقى يترقى فيروح للبواب بتاع المستشفى يقعد يتودد له. يروح لعامل بسيط في المستشفى يقعد يتودد له. يا ابني مش دي السكة. السكة من فوق من عند المدير - 00:35:38

يا جماعة العبيد مش هيوصلوكوا لحاجة. اللي هيوصلوك اللي هيوصلوك هو الله. من فوق عايز قلبك لو جبته من سكة ربنا سبحانه وتعالى ربنا بيقول لك القلوب بين اصبعين من اصابع الرحمن. بين صابعين من اصابع الرحمن. يجيها لك في لحظة يجيب لك قلبك في لحظة - 00:35:49

لو انت عايزه من سكتك انت الرسول وصف قلبك زي ريشة في صحراء وسط ريح. منزرك انك تجري ورا قلبك عشان تجبيه منزرك مضحك ده قلبك. انما كل حاجة انت تحتاجها في حياتك كده. كل حاجة من حواojك وحواojك بين اصبعين من اصابع الرحمن. في لحظة يحقق لك احلامك كلها. يقول لك - 00:36:06

فلان الفلانى ده بامضه منه يخلص لك مشكلتك. الله في لحظة يحقق لك احلامك. ولو انت عايزه احلامك من سكتك انت اجري ورا ريشة السحرة في وسط الريح الشديدة. الله المهيمن يا جماعة. الله اوصل له وهو يوصل لك لكل شيء. يوصل لك كل حاجة. النور الثاني من انوار اسم الله المهيمن - 00:36:27

النور الاولاني يرتب لك كل شيء في حياتك. النور الثاني من انوار اسم الله المهيمن ان كل شيء في قبضة الملك سبحانه وتعالى. كل حاجة في ايدى الملك سبحانه وتعالى اه والله شف ربنا بيقول لك ايه - 00:36:47

الم ترى كيف فعل ربك باصحاب الفيل؟ اصحاب الفيل دول زمان الروم لما جم يحاربوا المسلمين بالافيال كانت حاجة رهيبة بقى. وقبلها بقى لما ابرهة والحبشة جيب الافيال. الفيل ده زمان عامل زي القنابل النووية الوقتى. قريب ان شاء الله. قريب. هنقول الم ترى كيف فعل ربك باصحاب القنابل النووية؟ الم ترى كيف فعل - 00:37:01

ربك باصحاب الرؤوس النووية والاسلحة البيولوجية. خد بالك الم تركيف فعل ربك باصحاب الفيل؟ مش في اصحاب الفيل لما اقول لك انا هاعمل ايه؟ اما اوريك انا هاعمل ايه فيهم غير لما اقول لك انا هاعمل ايه بهم. بهم دى يعني هم في قبضتي. بس انا اللي - 00:37:21

كنت سايدهم بس انا هوريك اعمل ايه بهم. الكون في قبضة الملك. كل شيء في قبضة الملك. فرعون وكل فرعون في قبضة الملك. في قبضة الله. فرعون قال هذه الانهار تجري من تحتي فاجراها الله من فوقه. فرعون اتكلم كلام كفر عن الله. ربنا ملأ بؤه طين وهو بيموت - 00:37:41

فرعون قال انا ربكم الاعلى استعلى ربنا موتة في اوطنى حتة على وجه الكرة الارضية. مش غريق في البحر. ده بعد ما مشي جنبي في قاع البحر المایة طبقت عليه. في اوطنى حتة على وجه الكرة الارضية. كل حاجة في قبضة الملك سبحانه وتعالى. الدكاترة هتلaci الدكتور اللي لابس البالطو الابيض وماشي في المستشفى. فاكر - 00:38:01

نفسه يعني ايه؟ يضر وينفع؟ عايز تعرف فضيحة الدكاترة بقى في العناية المركزية. خط العناية المركزية لما تلاقي عيان قدامك الدكاترة كلها مخطوفة والدكاترة بتتجري ليه العيان نبضه خرج عن السيطرة وضغطه خرج عن السيطرة وسکره خرج عن السيطرة فضيحة بقى فضيحة للبشر والعجز البشر - 00:38:21

انما الله سبحانه وتعالى المهيمن سبحانه وتعالى سبحانه الله العظيم. كل شيء في قبضته. شفت صورة لفتاة فلسطينية عملت عملية استشهاديه. فجرت نفسها كانت لابسة حجاب. راسها بالحجاب ما اتلمستش يا جماعة. بنفس ملامحها بنفس الحجاب. قلت سبحانه يا رب - 00:38:40

يبقى ما فيش حاجة اسمها رصاصه طايشه بقى. ما فيش حاجة ده القبلة عبد لله. اوعي تقربي من راسها. اوعي تقربي من حجابها. اوعي تقربي من رمز طهارتها او عفافها وحباها لله. سبحانه وتعالى. ما تقربش. كل حاجة باید الملك سبحانه وتعالى. القبلة قلبك قلبك في ایده. اعرف واحد صاحبي - 00:38:59

التزم الوقت وبقى ما شاء الله شيخ يعني. كان زمان بيقول لي كان عاصي جدا جدا. فبيقول وصل به درجة ان ربنا قفلها في وشه  
وفي رزقه وفي كل حاجة وفي نفسيته - 00:39:19

لدرجة انه وصل لدرجة ان خطبة الجمعة بقت شغالة وهو ماشي في الشارع. بيقول لي قاعد اخد الشارع رايح جاي قاعد ابكي انا  
اهنك في الشارع. نفسي ادخل ومش قادر. هاموت عشان ادخل الجامع ومش قادر. قلبه باید الله. لما ربنا ازن بقى ولمس الصدق منه  
في اراده التوبة. دخله وفتح عليه في الدين - 00:39:29

الدنيا بفضل الله. سبحانه وتعالى كل حاجة في ايده المهيمن يا جماعة. المهيمن اللي كل حاجة في ايده. عشان كده لما ربنا يرتب لك  
اووعي تزعل. اووعي تزعل من حاجة حصلت لك - 00:39:49

اعرف واحد جا له مرض السكر بيقول لي ما عدتش اقدر انام اكتر من ساعتين بيقول لي فبالليل لازم اصحى كل شوية. فسمعت  
حديس رسول الله صلى الله عليه وسلم ان اللي يستيقز في جوف الليل يقلق كده ويصحى او ينتبه في جوف الليل يقوم -  
00:39:59

يتوضأ ويصلی ركعتين تقبل منه الركعتين ويستجاب له الدعاء اللي بيذيعي فيه فبيقول لي بقيت كل ما اصحى اقوم اتوضى اصلی  
ركعتين في قيام الليل ويدعي دعاء مستجاب ربنا حوله لقوام - 00:40:15

اووعي تقولي فيه حاجة وحشة الخطوبة بتاعتك اللي اتسخت والله ممكن خير. ممكن العريس اللي جاي بعد كده انسان ملتزم هيبيقي  
سر سعادتك في الدنيا والآخرة. السنة يا حبيب قلبي اللي راحت عليك السنة اللي فاتت اللي وقعتها - 00:40:29

اووعي تزعل يا حبيب قلبي. لما تفتكر السنة اللي فاتت في الصيف كنت على البلاج بتعاكس دي وماشي مع دي. السنة دي بفضل الله  
وشك منور بنور القرآن ونور الایمان - 00:40:41

وملتزم تعرف ان دي كانت لطف من ربنا سبحانه وتعالى. اوعوا يا جماعة تزعلوا. ممكن المشكلة اللي انت قاعد دلوقتني مهموم  
عشانها. وانت قاعدة دلوقتني قلبك مهموم عشانها ربنا في اللحظة دي بيرتب لك وبيرتبع لك الفرج فيها. وانت مش دارين. انت  
شاليين الهم والملك بيرتب لكم الفرج. اوعوا يا جماعة تيأسوا من رحمة الله - 00:40:51

الله سبحانه وتعالى. النور الثالث من انوار اسم الله المهيمن. ان الله هو الفاعل لكل شيء الرسول عليه الصلاة والسلام يقول الحمد لله  
الذي كفانا واوانا. اونا! ده انا البيت اللي انا ساكن فيه ده الشقة الجميلة دي في البرج ده! ده انا شغال عشرة - 00:41:11

سنين طلعت روحي برة على ما جبت تمنها. لا والله هو اللي قويك. الحمد لله الذي اطعمنا وسقانا. الله! ده انا الاكل ده انا جاييه من  
فلوسي من مرتبات دي تلاجي! لا والله! ده ربنا اللي اداه لك. الحمد لله الذي كسانى هذا. ده انا جاييها من فلوسي. لا لا لا -  
00:41:29

والله من ربنا سبحانه وتعالى. عشان كده كان الرسول عليه الصلاة والسلام يقول باسمك ربى وضعتن جنبي وبك ارفع الله! يعني انك  
انت بس ترفع جنبي وانت نايم به بالله - 00:41:49

عشان كده انا هاديك شعار ينور لك حياتك كلها. الرسول عليه الصلاة والسلام كان بيقول ايه؟ شف بيناجي ربنا بيقول له ايه؟ بيقول  
له اللهم لا سهل ما فيش حاجة سهلة ابدا. يا رب انا عاجز. انا يا رب ما اقدر اعمل حاجة. انا يا رب قدرتي اعجز من انها تعمل اي  
حاجة. اللهم لا سهل - 00:42:06

ما جعلته سهل. اللي انت سهلته لي هو اللي بقى سهل يا رب. لو انت سهلت لي المذاكرة قبل الامتحانات هتبقى سهلة. لو انت ما  
سهلتليش اقدر ازاكه هتفقل هزهق. لو انت سهلت لي يا رب النجاح في حياتي هنجح. لو انت ما فهمتنيش افشل. لو انت سهلت لي  
الشفاء هروق. لو انت ما سهلتليش - 00:42:26

لو دكتورة الدنيا كلها عملوا لي قنصلته مش هاروق. يا جماعة اللهم لا سهل الا ما جعلته سهلة الرحلة الجميلة قوي دي اللي احنا كنا مع  
اسم الله القيوم. واسم الله المهيمن فيها نرجع بقى. الله لا الله لا هو. الحي القيوم لا تأخذه - 00:42:46  
سنة ولا نوم. لا تأخذه سنة ولا نوم. دي تعمل في قلبك ايه؟ تحس فيها بايه؟ الاطمئنان. حتى في اخطر لحظات حياتك انت جاي تنايم

سنة ولا نوم - 00:43:03

كده تفتك وانت بتنا مقول لا تأخذ سنة ولا نوم. انا في حفتك يا رب. حتى في اخطر لحظات حياتك. يا جماعة لو كان ربنا بتأخذك

والعيال بالله سبحان الله! سيدنا محمد اللحزة اللي المشركين وقفوا بسيوفهم قدام الغار. لو نظر احدهم تحت قدميه لرأه اللحزة اللي سيدنا نوح الحوت سيدنا يونس الحوت بلعه فيها. اللحزة اللي سيدنا ابراهيم اتحط في المنقاليك عشان يتزلف في النار فيها. اللحزة اللي يا جماعة اللحزة اللي - 00:43:23

سيدنا موسى كان في التابوت وهو لسة رضيع لو موجة صغيرة جت تقلبه يموت فيها. اللحزة اللي سيدنا موسى جنود فرعون حاصروه قدام البحر فيها. لو ربك كان بتاع خذوا الصورة ولا نوم. كان مين اللي ينجيهم؟ مش حد مننا قبل كده حصل له ان هو مسلا في في الحمام مسلا بيغتسلي. الغاز اتسرب من السخان - 00:43:41

ولولا ان حد انقذه في اللحزة دي كان مات. مش حصل لك ان مرة وانت سايق عربية او راكب مع حد سايق. السوق نام لحزة ولو لطف الله كان كل حاجة ضاعت. مش حصل لك - 00:44:01

ان كنت نايمة مرة ومفتاح الغاز سرب. لو لطف الله بعت لك حد انقذك وخد باله. كان كل حاجة راحت؟ يا جماعة لطف الله سبحانه وتعالى يا جماعة عايزيين نعرف - 00:44:11

سبحان لا تأخذ سنة ولا نوم. اطمئنا وخفاف كمان يعني اه اصل ربنا مش غافل عن طرفة طرفتيها بعينيك بصيتي لها من حرام. ربنا مش غافل عن حركة لسان اتحركت لسانك بها. نطق بها بحرام - 00:44:21  
انا مش غافل عن كلمة حرام قلتها او سمعتها او نظرة حرام بصيتي لها. ربنا مش غافل عن مليم حرام كلته. ربنا مش غافل عن نظرة سخرية يا حرام بستيها لواحدة صاحبتك. ربنا مش غافل عن زلم حرام زلمت به قريبتك ولا زلمت به نسايدك ولا ربنا مش غافل عن كلمة زلم قلتها لمراتك - 00:44:41

او كلمة زلم قلتتها لزوجك. ربنا مش غافل. لا تأخذ سنة ولا نوم. وكمان الخجل تخجل. ليه تخجل لما تعرف ان لا تأخذ سنة ولا واحد اسلم فيبيقول للناس ما صفة ربكم؟ قالوا لا تأخذ سنة ولا نوم - 00:45:01

بفكري كده شوية وقال ايه ده سيد لا ينام. وعيدي ينامون. بئست العبيد انتم. ازاي تنام؟ اه والله يا جماعة. ربنا لا ينام. اقل حاجة ان قلبك لا ينام. ان قلبك بيقى معه ليل نهار - 00:45:18

لا تأخذوا سنة ولا نوم بتحسسك بعظمة الله. عظمة ده انت روحك بتطلع له لما بتنا كل يوم تعرض عليه. تخيلوا ان روح بوش بتعرض على الله كل ليلة روح شارون بتطلع لله كل ليلة. رح بلير بتطلع لله كل ليلة وما ينتقمش منهم. لسة الانتقام الاكبر بيعدى لهم. تخيل شف الرسول بيقول ايه - 00:45:34

اسمع بقلبك. اسمعي بقلبك. ان الله لا ينام. ولا ينبغي له ان ينام. يخفض القسط ويرفعه ترفع اليه اليه عمل الليل قبل عمل النهار.  
وعمل النهار قبل عمل الليل. حجابه النور. اسمع لو كشفه - 00:45:54

احرق سبحات وجهه ما انتهي اليه بصره. لو لو ربنا كشف حجاب النور الكون اتحرق. المجرات تتحرق الملائكة تتحرق النار تتحرق. الشمس تتحرق. البحار والجبال تتحرق. كل شيء يتحرق من جلال الله. سبحانه وتعالى. لا تأخذ سنة - 00:46:14

ولانوم له ما في السماوات وما في الارض. ملك له ما في الايه؟ السماء. شف الكلمة وانت بتتنطها الكون كله بيجي في قلبك ملك ملك قال لك ان الله اشتري من المؤمنين انفسهم واموالهم. اشتري منك نفسك بيع. انا اشتريت منك عربية. هات العربية بقى. لا والله استنى اصل انا لونها مش - 00:46:34

عاجمي يا حبيبي انت مالك؟ دي عربىتي انا اشتريتها منك اديهالي لا والله اصل انا مش عاجبني انت دي عربية هو اشتراك سلم بقى نفسك بقى سلمي لي نفسك بقى. سلموا لي نفسكم بقى. يقول لكم يأمر بالهويشاء وينهى عن اللي يشاووا. ويوجهكم يلجا ويوجه اللي يشاء - 00:46:57

سلموا له نفسكم بقى يا جماعة مش بعتوا نفسكم للملك الملك عايزيين تشووفوا موقف في القرآن يعرفكم يعني ايه الملك؟ موقف

سیدنا عیسی و هو واقف قدام الملک يوم القيمة سیدنا عیسی ده بنی ادم شخص عبد - 00:47:17

اتینین ملیار واحد بیعبدوه لالاف السنین. تخیل سیدنا عیسی واقف قدام الملک وکله دلوقتی کل اللي بیعبدوه واقفين قدامه بیتفرجوا  
علی المشهد بعد ما عرفوا مین الملک و مین العبد! وده بیلطم! ایه ده! انا ازای! انا ازای عقلی راح منی وعددت واحد بینزل منه البول  
والغایط! وده بیولول - 00:47:31

انا ازای عبد واحد في بق اللعب وفي مناخيه المخاط و في جسمه العرق وتأخره سينا ونوم. ولو ناديت عليه وهو نائم ما  
يسمعنيش. وتخيل الملک بینادي عیسی یا عیسی ابن مریم. اذکر نعمتی علیک وعلى والدتك. اذکر ان انا ولی نعمتك. انت ولی نعمتی  
یا رب. واذ اوحيت - 00:47:51

الحواریین ان امنوا بي وبرسولي. انا یا عیسی ابن مریم اللي اخذت بقلوب الناس اليك. وعیسی ابن مریم خاضع خاشع منكسر.  
ویجي الموقف الرهیب عیسی ابن مریم نعم يا رب. وكل زرة في جسمه بترتجف قدام الملک عبد قدام الملک. یا عیسی ابن مریم انت  
قلت للناس اتخاذوني - 00:48:11

وامي الهین من دون الله. قال سبحانک! تحس ان قلبه بيرتجف وهو بيقول سبحانک یا رب! المؤمن ما يقدرش يسمع اي  
كلمة عن الله وجلال الله وعظمة وجبروت وهیمنة الله. سبحانک! سبحانک! ما قلت لهم الا ما امرتني به. شوفوا عبودية - 00:48:31  
والزل بين ايديه الا ما امرتني به. وفي الآخر يقول له ان تعذبهم فانهم عبادک وان تغفر لهم فانک انت العزيز الحکيم. یا رب. مصیرهم  
بقى في ايديک مصیرنا بقی في ايديه. يا رب تخیل حالتهم ساعتها كلها. بص یا ما لك الملک تبنا اليك یا یا ملك. عرفتم بعد ایه ان هو  
الملک. وان كل ما - 00:48:51

عبيد له ما في السماوات وما في الارض. من ذا الذي يشفع عنده الا باذنه. اسمع یعلم ما بين ايديهم وما خلفهم الله یعلم ما الله یعلم  
كل شيء عنك. ویعلم كل شيء عن كل شيء. عشان یا جماعة احنا عاملناه ازای؟ حالنا مع الله ایه یا جماعة -

00:49:14

یا جماعة اللي بیاخد عشر صلاته بس ده معناه انه لو صلی عشر دقایق دقیقة فکر في ربنا وتسع دقایق فکر في الدنيا. یا جماعة انا  
عايز واحد منكم الوقت یخرج برة - 00:49:36

ویبص للشمس الشمس اللي في السما دی هي اللي لما سیدنا ابراهیم بص فيها قال له وجهت وجهی اليك احنا بنبص ليه وما  
بنتغيرش ليه؟ لأن احنا ما بنقفلش قدامها. یا جماعة انا عايز الوقت تحسبوها بالله عليکم هاتوا كل الجراید والمجلات. واحسبم وهاتوا  
كل الكلام اللي - 00:49:46

بیتقال في القھاوی والمصالح والشوراع كان في المیة من الكلام ده عن الكورة وماتش الاهلي وبرشلونة وعن الدنیا وكان في المیة عن  
الله احنا ليه قلوبنا بقت كده تجاه الله؟ احنا امتنى هنخضع لله؟ یعلم ما بين ايديهم وما خلفهم ولا یحیطون بشيء من علمه الا بما شاء  
- 00:50:05 -

العلم الكامل لله والجهل الكامل لي ولك ولا یحیطون بشيء من علمه الا بما شاء. وسع کرسیه السماوات والارض الكرسي اللي هو  
موقع القدمین لرب العزة سبحانه وتعالی. بلا تشبيه ولا تمثیل ولا تعطیل ولا تکییف. سبحان الملک - 00:50:25

فده الكرسي موقع موقع القدمین. تخیل ان الكون کله دبح موقع القدمین. انا الوقتي في القاهرة باسجل. القاهرة دي مدينة من  
مصر. مصر دي دولة من اکثر الخمسين دولة في افريقيا. افريقيا القارة من ست قارات. الست قارات في الكرة الارضية کوكب من  
مليارات الكواكب والنجوم في مغارة التبانة. مجرة التبانة مجرة - 00:50:44

مليارات المجرات في السماء الدنيا. السماء الدنيا سما من سبع سماوات. كل ده تحت الكرسي. ولا یؤده حفظهما. الملک العظیم لا یؤود  
حفظ السماوات والارض. یبقى یؤود حفظك انت کلموا له بقی وهو العلي العظیم - 00:51:04

ا لو نعرف عزمه ربنا قد ایه. اه شف ربنا بیقول لك ایه في اول سورة الانبیاء وکم قسمتنا من قریة كانت ظالمة قسمتنا قطن قطن الله  
قطنمها قطم كانت ظالمة وانشأنا بعدها قوما اخرين - 00:51:23

همنا جبنا اللي احسن منهم ولا همنا. سبحان الملك! فلما احسوا بأنسنا اول ما حسوا ان فيه زلزال فيه بركان فيه اعصار فيه في حاجة بتتغير في الكون من حواليهم. الارض بتتشق من تحت رجلיהם. فلما احسوا بأنسنا اذا هم منها يرکضون. لا تركضوا وارجعوا. بتهدروا من - 00:51:38

ايه بتجروا من ايه؟ وارجعوا الى ما اترفتم فيه ومساكنكم لعلكم تسائلون. قالوا يا ويلنا انا كنا ظالمين. انا بتخييل في اللحظة دي معركة مش باينة لعనينا. وهم بيجرروا وكل واحد ملأ من الملائكة بتهمج عليه تقضي عليه تماما لغاية ما يسقط جسه هامدة بعد ما بدأ - 00:51:58

ويحاول يقاوم وده يسقط جسه وده جسه ابادة جماعية للقوم الكفرة الجاحدين وما فما زالت تلك دعواهم حتى جعلناهم حصيدا خامدين. اسمع بقى الاية اللي بعدها - 00:52:18

وما خلقنا السماء والارض وما بينهما لاعبين انت فاكرینها لعبه؟ كنتم فاكرینها لعبه انه ضيع تسعين في المية من البشر المستهتر. يا جماعة احنا في امتحان مصيري. اللي فاكرها لعبه هيضيع نفسه. يا حبيبي - 00:52:34

قلبي لو انت فاكرها لعبه تكلم اللي انت عايزها. وما تكلمش اللي انت عايزها. هتضيع نفسك. يا اختي في الله لو انت فاكرها لعبه تكشفي اللي انت عايزاه من شعرك. وتغطي اللي انت عايزاه وتلبسي اللي انت عايزاه وتتمكي - 00:52:52

اللي انت عايزاه. هتضيعي نفسك. يا اخي لو انت فاكرها لعبه تأكل الحرام والحلال هتضيع نفسك. يا جماعة مش لعبه. يا جماعة ما هيش امتحان. ممكن تشيل مادتين ومش مشكلة - 00:53:02

اللي بعدها تتبعوض. يا جماعة ما هياش شوية فلوس الواحد كسبها وواحد جه سرقهم منه. ومعه لسة اللي يكفي بقية عمره. يا جماعة ما هيش لعبه والله العزيم. ما هياش لعبه - 00:53:12

عشان كده بعد كل اللي انا قلته ده لك رب بالعزمه دي ولسه في حياتك مشكلة لك لب بالعزمه دي في حياتك مشكلة ازاي؟ ازاي؟ زي واحد ماشي حافي وهدوءه مقطعة. فواحد بيقول لواحد هو ماشي حافي ليه؟ هو ابوه ميت؟ هو ابوه - 00:53:23

حي هو ابوه فقير ده ابوه غني جدا. هو ابوه امال ليه؟ بيقى بالتأكيد فيه مشكلة بينه وبين ابوه. صالحوا ربنا بقى. صالحوا له. اسجدوا له اسجدوني وانت بتتسجدوا لي جبهتكم ترتجف بين ايديه. وقلبكم يرتجف وتنسو الدنيا ومفاصيلكم ترتجف. والانوار اللي في قلوبكم في السجود تبقو مش عايزين تقوموا - 00:53:41

اسمها قولى له يا رب سجد لك قلبي. يا عظيم السماوات سجد لك قلبي. اسجدوا له. اسجدوا له واعبدوه. عايزين الليلة يا جماعة في قيام الليل وقبل قيام الليل مسکود له ونبعده ونقول له سجد لك قلبي وروحى ومخى وعظمى يا رب. التوصيات في الآخر هنتفق على ايه؟ طبعا - 00:54:01

كان نفسي اكلمكم في اية الكرسي دي عشر حلقات بس الوقت يا جماعة للاسف التوصيات رقم بها. طول ما انت ماشي كده النهاردة. عش كده بقلبك معى بقى وشف قلبك هيتحرك مع الله قد ايه. وبالفين حسنة قرايتها. تقرأها بعد كل صلاة وتبستيها بعد كل - 00:54:21

وقبل ما تنام باتناشر الف حسنة. يا سلام يا رب على الصفقات. وفيه صفة تانية جميلة اوبي اوبي يوم الاثنين الجاي ده ان شاء الله يوم تلتاشر واربعتاشر وخمسة تاشر الاثنين والثلاث والاربع - 00:54:42

فرصة فرصة تلات تيام يبعدوك تلات يعني شف متين وعشرة سنة عن النار تلت تيام الاثنين والثلاث والاربع تلتاشر واربعتاشر وخمسة تاشر هيجي بعدهم الخميس ستاشر احنا بنصوم اثنين وخميس ان شاء الله يبقى نصوم كمان اثنين وخميس صفة عمرك - 00:54:57

تصوم اثنين وخميس كل اسبوع والثلاث تيام البيض من كل شهر يبقى تلت عمرك صيام لله سبحانه وتعالى. الاسبوع ده ان شاء الله يا جماعة اسبوع الزكر والدعاء. اسبوع اخطر - 00:55:13

والله من اخطر الادعية اللي انا نفسي بفضل الله تقربيا ليل نهار بادعي لي الله. يا حي يا قيوم برحمتك استغفیت. اصلاح في شأنی كله

ولا تكلني الى نفسي طرفة عين. بدعويه وفي قلبي باستحضر يا رب صلح لي ديني. وصلح لي ديني وصلح لي قلبي - 00:55:23  
صلح لي علم في الدين وصلح لي قيامي وصلح لي اخرتي. ومقامي في الجنة. يبقى الدعاء ده يا جماعة ما تسيبهوش. الاسبوع ده  
اسبوع الزكر واسبوع الدعاء اسبوع قراءة اية الكرسي واسبوع ان احنا نعيش بقلوبنا مع الله سبحانه وتعالى. في الاخر بندعي اللهم يا  
حي يا قيوم - 00:55:43

يا حي يا قيوم برحمتك نستغيث اصلاح لنا شأننا كله ولا تكلنا الى انفسنا طرفة عين يا رب العالمين. يا رب اللهم  
زوج كل فتاة مسلمة. اللهم حجب كل فتاة مسلمة. اللهم اهد شباب المسلمين - 00:56:03

قل لهم يا رب العالمين. يا رب فرج كرب اخواننا الطلاب في الامتحانات يا رب العالمين. يا رب اعنا على قيام الليل اعننا على ذكرك. اما  
حياتنا بالقرآن ليلاً ونهاراً. وبذكرك ليلاً ونهاراً. يا رب يا رب اجعلنا من الصائمين. اجعلنا من القوامين. برحمتك - 00:56:23  
بك يا ارحم الراحمين اقول قولي هذا واستغفر الله لي ولكم. كنا مع اية الكرسي. الله اعظم اية في كتاب الملك. يا ريت يا جماعة  
الاية دي ما نسيبهاش طول الاسبوع ابداً ولا - 00:56:43

طول حياتنا والى لقاء السبت القادم ان شاء الله هيبقى معاد البرنامج ان شاء الله خمسة وربع بازن الله. اقول قولي هذا واستغفر الله  
لي ولهم. سبحانه الله وبحمدك اشهد ان لا اله الا انت استغفرك واتوب اليك - 00:56:56  
مم - 00:57:13